

Nabi Muhammad Sallallahu Alaihi Wasallam bersabda :  
 "Bagi orang yang berpuasa itu ada dua kebahagiaan, berbahagia  
 pada saat dia berbuka, berbahagia dengan puasanya itu  
 dan pada saat ia berjumpa Tuhannya".  
 - Hadis riwayat Abu Hurairah Radhiallahuanhu.

WAKTU SEMBAHYANG | IMSAK 4.49 | SUBUH 4.59 | SYURUK 6.17 | DUHA 6.39 | ZUHUR 12.23 | ASAR 3.27 | MAGHRIB 6.28 | ISYAK 7.38

Daerah Belait ditambah 3 minit  
Daerah Tutong ditambah 1 minit

TAHUN 68 BILANGAN 42

8 APRIL 2023 / 1444 رمضان 17

JABATAN PENERANGAN

EDISI SABTU / PERCUMA

## Majlis Ifthar Mahabbah perkukuh hubungan perpaduan



URUS Setia Program Keagamaan  
 Belia, Pusat Da'wah Islamiah (PDI)  
 dan Belia Muallaf Asy-Syahadah  
 dengan Kerjasama Jame' 'Asr  
 Hassanil Bolkiah dan Persatuan  
 Persahabatan Brunei-China  
 mengadakan Majlis Ifthar Mahabbah  
 bagi Tahun 1444H bertempat di  
 Jame' 'Asr Hassanil Bolkiah.

Oleh : Khartini Hamir  
 Foto : Mohd Sahrizal Haji Said

**BANDAR SERI BEGAWAN,**  
 Khamis, 6 April. - Urus  
 Setia Program Keagamaan  
 Belia, Pusat Da'wah Islamiah  
 (PDI) dan Belia Muallaf  
 Asy-Syahadah dengan Kerjasama  
 Jame' 'Asr Hassanil Bolkiah  
 dan Persatuan Persahabatan  
 Brunei-China lewat petang  
 tadi mengadakan Majlis

Ifthar Mahabbah bagi Tahun  
 1444H bertempat di Jame' 'Asr  
 Hassanil Bolkiah, Kampung  
 Kiulap.

Hadir selaku tetamu  
 kehormat, Timbalan Menteri Hal  
 Ehwal Ugama, Yang Mulia  
 Pengiran Dato Seri Paduka  
 Haji Mohammad Tashim bin  
 Pengiran Haji Hassan bersama

Datin.

Turut hadir ialah Rektor dari  
 Universiti Sultan Sharif Ali  
 (UNISSA), kedutaan-kedutaan  
 yang dijemput, Persatuan-  
 persatuan Tiong Hua, Pegawai-  
 pegawai Kanan Kementerian Hal  
 Ehwal Ugama (KHEU), para  
 pegawai dan kakitangan PDI,  
 para penuntut dari Sekolah  
 Chung Hwa dan keluarga  
 para muallaf yang non-Muslim  
 dari kalangan Belia Muallaf

Asy-Syahadah.

Program dimulakan dengan  
 bacaan Sayyidul Istighfar,  
 Surah Al-Fatihah dan Doa  
 Selamat dipimpin oleh Pegawai  
 Perkembangan Ugama, PDI,  
 Pengiran Haji Jufri bin Pengiran  
 Haji Hidop.

Seterusnya, ucapan alu-aluan  
 daripada Presiden Persatuan  
 Persahabatan Brunei-China, Dr.  
 Muhammad Firdaus bin Abdul  
 Rahman.

Majlis disemarakkan lagi  
 dengan persembahan bacaan  
 Al-Quran dari Pemenang Qari  
 Musabaqah Murattal Al-Quran  
 bagi Muallaf Senegara 1444H /  
 2022M, Awang Muhammad  
 Saiful Dafi bin Muhammad  
 Suhaimi @ Suanddy bin  
 Suhaimi, manakala tafsirannya  
 dibacakan oleh Dayang Aisyah  
 Afnan Lim Yen Shan (dalam  
 bahasa Cina).

Kemudian, penerangan  
 ringkas mengenai 'Kefahaman  
 Tentang Puasa' disampaikan  
 oleh Pekerja Tingkat Khas,  
 PDI, Dayang Siti Nur Jasmin  
 Kim.

Majlis diakhiri dengan  
 bersungkaik dan Sembahyang  
 Fardu Maghrib Berjemaah.

Antara tujuan program  
 diadakan adalah untuk  
 memperlihatkan Islam adalah  
 agama yang mementingkan  
 hubungan silaturahim dan  
 membuat kebaikan walaupun  
 berlainan agama dan bangsa.

Di samping itu, memberi  
 peluang kepada non-Muslim  
 menyaksikan lebih dekat  
 untuk mengenali ibadah yang  
 dilakukan oleh orang Islam  
 serta merasakan sendiri  
 bersungkaik bersama di bulan  
 Ramadan.